



Broj: 02-11-6752/24-1
Datum: 29.7.2024. godine

- WEB STRANICA OPĆINE JAJCE
- OGLASNA TABLA OPĆINE JAJCE

Na osnovu člana 39. Statuta Općine Jajce („Sl. novine Općine Jajce“, broj 3/08), člana 6. Pravilnika o sufinansiranju utopljanja privatnih objekata, te člana 38. Odluke o izvršenju Budžeta/Proračuna Općine Jajce za 2024. godinu, broj 01-01-6-2421/24 od 21.3.2024. godine, Općinski načelnik objavljuje:

JAVNI POZIV za subvencioniranje utopljanja privatnih objekata

I PRAVO UČEŠĆA

Pravo na subvenciju mogu ostvariti svi građani općine Jajce koji su proveli ili planiraju provesti mjere povećanja energetske efikasnosti na stambenom objektu (kući) u 2024. godini. Aplikanti moraju biti vlasnici stambenog objekta (kuća mora biti uplanjena u katastarskom ili gruntovnom operatu) ili posjedovati građevinsku dozvolu za kuću koja je u izgradnji.

II OPĆI USLOVI ZA DODJELU SUBVENCIJE

Podnosioc zahtjeva treba da ispunjava sljedeće uslove:

1. Da je državljanin Bosne i Hercegovine
2. Da podnosioc zahtjeva prije podnošenja zahtjeva ima mjesto prebivališta na području općine Jajce neprekidno najmanje 24 mjeseca.
3. Da ima uplanjen stambeni objekat (kuću) u katastarskom ili gruntovnom operatu ili da posjeduje građevinsku dozvolu za kuću koja je u izgradnji
4. Da kuća nema izgrađenu termofasadu ili stolariju sa visokom energetsom efikasnošću ili krov sa termoizolacijom.
5. Da nisu ostvarili pravo na subvenciju sa viših nivoa vlasti (SBK, FBiH, međunarodne organizacije) za povećanje energetske efikasnosti na svom stambenom objektu (kući).

III POSEBNI USLOVI I KRITERIJI ZA BODOVANJE U DODJELI SUBVENCIJE

- Objekat ima izrađen predmjer i predračun ili glavni projekat koji obuhvata ugradnju termofasade, minimalno 8 cm debljine (10 bodova)
- Objekat ima izrađen predmjer i predračun ili glavni projekat koji obuhvata ugradnju ili rekonstrukciju krova sa termoizolacionim materijalom (10 bodova)
- Objekat ima izrađen predmjer i predračun ili glavni projekat koji obuhvata ugradnju ili zamjenu stolarije energetske efikasnijom (10 bodova)
- Fiskalni račun za korisnike koji su u 2024. godini proveli jednu ili više mjera energetske efikasnosti na svom stambenom objektu prije objave ovog Javnog poziva (10/20/30 bodova)
- Objekat bez fasade (10 bodova)
- Objekat ima fasadu bez toplotne izolacije (5 bodova)
- Objekat ima drvene prozore sa sistemom „krilo na krilo“ (10 bodova)
- Objekat ima drvene prozore sa vakumskim staklima (5 bodova)
- Porodice sa pet i više članova (5 bodova)
- Porodice sa jednim zaposlenim (5 bodova)
- Porodice koje imaju člana sa posebnim potrebama ili invalidnu osobu (5 bodova)
- Podnosilac je pripadnik neke od boračkih kategorija koji su prepoznati Zakonom o dopunskim pravima boraca (porodice šehida i poginulih boraca, ratni vojni invalidi, demobilizirani borci), (5 bodova)

IV POTREBNA DOKUMENTACIJA

Potrebna dokumentacija za dodjelu subvencije za utopljanje privatnih objekata:

1. **Zahtjev za dodjelu subvencije za utopljanje privatnih stambenih objekata (kuća)** (protokol općine Jajce, web stranica općine Jajce)
2. **Uvjerjenje o državljanstvu** (Matični ured općine Jajce)
3. **Ovjerena izjava o zajedničkom domaćinstvu-kućna lista** (Matični ured općine Jajce)
4. **Uvjerjenje o kretanju** (MUP SBK-a PU Jajce)
5. **Ovjerena izjava da aplikant nije ostvario subvenciju za provođenje energetske efikasnosti na stambenom objektu sa viših nivoa vlasti (SBK, FBiH, međunarodne organizacije)** (Protokol Općine Jajce, web stranica općine Jajce)
6. **Odobrenje za građenje (kopija)** za stambene objekte (kuće) u izgradnji
7. **Zemljišno-knjižni izvadak** iz zemljišno-knjižnog ureda nadležnog suda sa podacima o objektu na ime podnosioca zahtjeva ili **Posjedovni list/kopija katastarskog plana** od nadležne službe (katastar) općine sa podacima o objektu na ime podnosioca zahtjeva
8. **Predmjer i predračun** za predviđenu rekonstrukciju u svrhu povećanja energetske efikasnosti stambenog objekta (kuće) od ovlaštenog privrednog subjekta (građevinske firme/obrta)
9. **Fiskalni računi** za izvedene radove (građevinski materijal i/ili usluge ugradnje) za korisnike koji su proveli jednu ili više mjera energetske efikasnosti na svom stambenom objektu u 2024. godini, a prije objavljivanja ovog Javnog poziva
10. **Tri karakteristične slike** objekta za koji se podnosi zahtjev
11. **Potvrda iz Službe za zapošljavanje (biroa)** za članove domaćinstva koji se nalaze na evidenciji službe za zapošljavanje
12. **Ovjerena kopija Rješenja o statusu** za osobe sa invalidnošću ili osobe sa posebnim potrebama

13. Uvjerenje izdato od strane nadležnog organa (Služba opće uprave općine Jajce i Federalno ministarstvo za pitanja boraca i invalida-Grupa Jajce) za aplikante koji pripadaju nekoj od boračkih kategorija koje su prepoznate Zakonom o dopunskim pravima boraca (porodice šehida i poginulih boraca, ratni vojni invalidi, demobilizirani borci)

Obrazac zahtjeva pod rednim brojem 1, kao i obrazac Izjave pod rednim brojem 5 može se preuzeti na protokolu Općine Jajce ili na web stranici Općine Jajce.

V PROCEDURA ODABIRA KORISNIKA

Podnosioci zahtjeva dužni su uz zahtjev dostaviti uredne dokaze o ispunjavanju općih i posebnih uslova u originalu ili ovjerenoj fotokopiji dokumenata koji nisu stariji od tri (3) mjeseca, izuzev Odobrenja za građenje pod rednim brojem 6. koje se dostavlja u kopiji. Zahtjev sa traženom dokumentacijom se u zatvorenoj koverti dostavlja na protokol Općine Jajce sa naznakom „Zahtjev za subvencioniranje utopljanja privatnih stambenih objekata (kuća)“.

Javni poziv ostaje otvoren 15 dana od dana objave na oglasnoj tabli Općine Jajce i Web stranici Općine Jajce.

Komisija koju imenuje Općinski načelnik u prvom koraku razmatra pristigle prijave i vrši rangiranje shodno kriterijima. U slučaju nejasnoća u priloženoj dokumentaciji komisija ima pravo tražiti pojašnjenja, dopunu dokumentacije ili izvršiti terensku provjeru. Bodovnu listu aplikacija koje zadovoljavaju kriterije dostavlja Općinskom načelniku na odobravanje. Komisija objavljuje Preliminarnu rang listu (na oglasnoj tabli i Web stranici Općine Jajce). Na preliminarnu rang listu aplikanti imaju pravo žalbe Općinskom načelniku u roku od osam dana.

Nakon razmatranja žalbi Općinski načelnik objavljuje konačnu listu aplikanata koji su ostvarili subvenciju za utopljanje privatnih objekata (kuća) za 2024 godinu na oglasnoj tabli i web stranici Općine Jajce.

Sa aplikantima koji su ostvarili pravo na subvenciju za utopljanje privatnih objekata Općina Jajce, koju zastupa Općinski načelnik, zaključuje ugovore u kojima će se definisati međusobna prava i obaveze ugovornih strana, dinamika korištenja dodijeljenih finansijskih sredstava, monitoring implementacije i namjenski utrošak sredstava.

Iznos subvencije za utopljanja privatnih objekata je 30 % od iznosa navedenog u predračunu za predviđene radove, odnosno fiskalnom računu za izvedene radove do maksimalno 5.000,00 KM u neto iznosu po korisniku.

Odobrena subvencija za utopljanje privatnih objekata će biti isplaćena nakon dostavljanja dokaza o utrošku sredstava i izvedenih radova predviđenih predračunom (fiskalni račun za materijale i usluge i tri karakteristične slike izvedenih radova).

Sve dodatne informacije mogu se dobiti u Odjeljenju za lokalni razvoj Općine Jajce (kancelarija 54) svakim radnim danom od 07:00-15:30 sati.

Dostavljeno:

1.Naslovu

2.a/a

